

# Sa Kap Pase ak Tibebe W La?

## Devlopman Tibebe W la



## Vizit 36 Mwa

Timoun ki gen laj twa lane yo gen bonjan opinyon e yap vin pi endepandan chak jou.

### 36 MWA: Sa Kap Pase?

#### Kisa Tibebe W La Ka Fè

**Kò mwen pi aktif ak abil toujou.**



- Mwen ka kouri pou m avanse.
- Mwen gen bon ekilib e mwen ka kanpe sou yon pye pandan senk segond.
- Mwen ka desine kèk fòm oswa menm yon vizaj.
- Mwen ka petèt monte ak desann eskalye sou pye m.

**Mwen konnen anpil bagay men mwen toujou pa ka kontwole emosyon a chak fwa.**

- Pafwa mwen kooperatif e mwen ka suiv enstriksyon, men souvan mwen vle fè bagay yo nan fason pa m.
- Mwen ka pase byen rapid de kalm ak kòlè.

#### Kisa Ou Ka Fè

**Kòmanse bay nouvo materyèl aprantisaj**



tankou fisèl ak gwo grenn kolye oswa eksperyans sansoryèl tankou lanmidon mayi ak dlo oswa mous pou raze.

**Bay pitit ou a chans pou li antrene piti ak gwo konpetans motè yo.** Li ka eseye itilize yon kreyon ak grinpe sou yon jwèt konstriksyon.

**Ankouraje pitit ou a lè li fristre.** Li ka vle pou li pi konpetan ke jan li ye aktyèlman.

**Ede timoun yo fè fas ak gwo santiman yo lè w rete kalm lè yo emosyonèl.**

Di, "Ou fristre. Ou pat vle pou pilòn ou an tonbe. Ou te travay di anpil pou w fè l. Mwen pap kite w voye blòk yo jete, men map rete bò kote w e map pwoteje tout moun."

*Pandan wap itilize feyè HealthySteps yo, sonje pitit ou a ka devlope kapasite l pi vit oubyen pi dousman pase sa ki make nan feyè yo e atouts la grand trè byen. Chak timoun devlope nan pwòp vitès pa yo. Espesyalis HealthySteps ou a ap disponib pou reponn nenpòt kesyon ou genyen. Kwayans ak valè kiltirèl fanmi w se faktè enpòtan tou ki fasonnen devlopman pitit ou a.*

## Sa Kap Pase?

### Kisa Tibebe W La Ka Fè

**Mwen itilize langaj pou eksprime panse mwen ak santiman mwen.**

- Mwen ka itilize plis pase 1,000 mo.
- Majorite moun ka konprann langaj mwen plis pase 80% nan fwa yo.
- Mwen poze anpil kesyon. Pafwa mwen poze yo plizyè fwa.

### Kisa Ou Ka Fè

**Jwe jwèt istwa kote chak manm fanmi yo kontribye nan entrig la.** *Chyen an te vle ale eksplòre, alòs li fofile kòl atravè twou kloti a. Epi apre....*

**Ajoute nouvo konsèp sou sa pitit ou a konnen deja yo.** Di, "Wi, se yon bisiklèt ble. Ki koulè li bay lè nou ajoute penti wouj nan penti ble a?"

## Lòt Bagay Pou Konnen ak Eseye

Twa premye ane devlopman sèvo a fondamantal. Yo prepare teren aprantisaj la pou tout lavi. Sonje ke menm si sèvo pitit ou a aktif anpil ak pi sofistike pase anvan, gen anpil lòt bagay pou aprann. Eseye rete pasyan pandan pitit ou a aprann nouvo konpetans sosyal tankou pataj ak tann tou pa chak moun. Yap bezwen anpil rapèl pandan yap aprann nouvo konpetans sa yo. Li ka fatigan, men repetisyon vrèman ede yo aprann. Lè w rete konsistan epi w montre egzanp la lè w jere pwòp emosyon pa w yo, pitit ou a pral aprann konpetans esansyèl sa yo tou.



*Pandan vizit sa a, ekip pedyatrik la ap mezire longè, pwa ak sikonferans tèt pitit ou a. Yo pral koute batman kè pitit ou a epi egzamine je, zòrèy, nen ak bouch li. Pitit ou a pral pran tout vaksen ki nesesè yo. Nou pral pale sou devlopman ak abitud pitit ou a, tankou dòmi ak manje. Nou pral revize tou konsèy sekirite yo. Epi, byennantandi, nou pral pran tan pou diskite sou nenpòt kesyon oswa enkyetid ou ka genyen!*